


Na osnovu člana 102. stav 1. i 2. i člana 122. Poslovnika Skupštine Zeničko-dobojskog kantona - Novi prečišćeni tekst («Službene novine Zeničko-dobojskog kantona», broj: 7/12 i 12/13), Skupština Zeničko-dobojskog kantona, na 39. sjednici, održanoj 03.04.2017. godine, donijela je:

ZAKLJUČAK

1. Skupština Zeničko-dobojskog kantona prihvata Nacrt Zakona o naučnoistraživačkoj djelatnosti.
2. Nacrt Zakona upućuje se u javnu raspravu u sve općine Zeničko-dobojskog kantona i Grad Zenicu. Rok za provođenje javne rasprave je 30 dana.
3. Organizatori javne rasprave u općinama i Gradu Zenica su općinski načelnici, gradonačelnik Grada Zenica i Ministarstvo za obrazovanje, nauku, kulturu i sport.
4. O datumu, vremenu i mjestu održavanja javne rasprave organizatori će na pogodan način obavijestiti javnost, kao i o mjestu gdje je moguće izvršiti uvid u Nacrt Zakona.
5. Nacrt Zakona bit će objavljen na web stranici Kantona i dostupan u Ministarstvu za obrazovanje, nauku, kulturu i sport.
6. Skupština Zeničko-dobojskog kantona zadužuje Vladu Kantona i Ministarstvo za obrazovanje, nauku, kulturu i sport da prilikom izrade Prijedloga Zakona o naučnoistraživačkoj djelatnosti uzmu u obzir sve prijedloge, stavove i sugestije radnih tijela, te poslanika iznesene u raspravi na sjednici Skupštine, kao i one istaknute u toku javne rasprave ili podnesene od strane pojedinaca, udruženja i drugih učesnika u raspravi i da o tome podnesu izvještaj Skupštini.

Broj: 01-02-4771/17

Datum, 03.04.2017. godine
Z e n i c a

 **PREDSJEDAVAJUĆA**
Draženka Subašić
Draženka Subašić